

國
朝
文
錄

二林居文錄引

二林居文集長洲彭允初先生著先生生鼎貴之家居繁華之地已又少年甲第欲以風節著見于時乃退而讀聖賢之書退而修淨土之業一切解脫怡然渙然其曰二林居者謂慕梁谿高忠憲及廬山劉遺民之爲人兩先生往來修學地同名東林因名其居曰二林也夫世有逃墨而歸于儒者亦有逃儒而入于釋者兩家相背而馳如南轅北轍之必不可合先生于儒書契其精微于佛經亦不僅得其糟粕放生戒殺卽鷺飛魚躍之天懷藏密洗心卽面壁閉關之旨趣是一是二得不謂之異人歟其行文純是清氣

自謂得之于佛經空山鶴唳靜夜鐘鳴聞之足以起悟是固然已
然予尤愛其敘述國朝人物事迹詳備并其精微之意而傳之
固非不立文字者所能亦非徒侈章句者所及惜予未空俗諱尙
未能深探其本云上高李祖陶

二林居文集目錄

卷一

讀朱子書

敘文

復莊生斗書

顧亭林先生餘集序

四子詩錄序

震川文錄序

汪子文錄序

近取堂記

江西新城縣中田廣仁莊記

洞庭東山席氏祠堂記

常州知府黃君墓表

秋士先生墓誌銘

盧太公墓誌銘

書鄧自軒先生集後

故中憲大夫工部尙書湯文正公事狀

卷二

故東閣大學士吏部尙書熊文端公事狀

故光祿大夫文淵閣大學士李文貞公事狀

故光祿大夫吏部尙書協辦大學士孫文定公事狀

二林居文錄卷一

長洲彭紹升永初著

後學上高李祖陶欽

新昌漆象曾念

○ 讀朱子書

子○讀○朱○子○書○觀○其○上○孝○宗○諸○封○事○及○與○陳○同○甫○往○復○書○力○持○於○天○
人○之○界○王○伯○義○利○之○辨○每○爲○之○愀○然○變○容○灑○然○易○慮○曠○然○發○蒙○覆○
而○躋○千○仞○之○上○也○烏○呼○古○今○之○變○生○死○之○故○不○可○勝○窮○然○而○天○地○
則○有○位○矣○日○月○則○有○度○矣○星○辰○則○有○行○矣○是○理○也○確○乎○其○不○變○者○
也○浩○乎○其○無○際○者○也○先○聖○後○聖○其○揆○一○也○予○嘗○讀○論○語○而○得○之○曰○

自古皆有死。民無信不立。一言而天人之幾決矣。孟子述孔子者也。曰行一不義。殺一不辜而得天下。有不爲也。一言而王伯義利之辨明矣。敬也者。立此者也。義也者。宜此者也。朱子於此信之深。守之篤。其所以得孔孟之傳者。實在於是。後之述朱子者。徇其末。不求其本。所以論說日繇。而日遠於大道也。

能見其大筆亦不支

○ ○ 敘文

予年十八會試京師、放榜後、省舅氏光祿公於保定、寓衙齋兩月、同舍者爲從舅瞻菴先生、嘉定張吾山、俱好爲詩、予因效爲之、瞻菴先生齒旣高、習問鄉先輩行事、屢道予會大父南昀府君之爲人、予因作述祖德詩以獻、先生歎曰、他日能繼南昀先生之志者、必子矣、其年秋還家、明年春、吾母病瘍、夏而劇、及秋遂卒、苦由中稍稍稽古喪禮遺文、遂讀周易毛詩注疏、次讀漢唐宋諸家文、時有論著質之受業師李先生勉百、先生盛稱之、已復質之陳丈和叔、爲書先之高自標置、陳丈驚輒目爲奇士、其後邵丈敦之見予

所作獨曰子之志高矣。以爲文則未也。凡爲文莫先辨體。漢人有漢人體。魏晉六朝人有魏晉六朝人體。唐宋人有唐宋人體。且非直此而已。漢之西與東也。魏晉之與六朝也。唐燕許之與韓柳李孫也。宋歐之與蘇。王之與曾也。其原各有所從出。其流各有所至。其體之殊異。顯若黑白。微若淄澠。而不可以毫釐混也。故善爲文者。莫若守一家之書。凝神壹志。句倣而字爲之。始則得其似矣。繼則得其真矣。其斯爲古人之文。而非復吾之文矣。及其久而與之化也。其斯爲吾之文。而不復有古人之文矣。若乃游談無根。師法蕩然。非鄙則倍。此不足以言文也。予因是一舍其故習。切切焉惟

古人之求。久之而得其似者。十常四五焉。顧不知所爲真者。安在也。其後遇薛子家。三聞其論詩也。異之。其言曰。詩志之所之也。未有不端其志而能爲詩者。求端其志。莫先於知道矣。孔子讀詩三百篇。獨贊鵲鴉。烝民爲知道。然則爲詩者亦求爲周公尹吉甫其人而可也。又言古聖賢人尙矣。次焉者其惟志士乎。志士之詩。吾於近世得二人焉。曰謝翱。曰杜濬。其志潔其思苦。其音哀。故其爲詩也。非復人人之詩。而必二子者之詩也。君其擇焉。已而予讀宋明諸先儒書。有省始一意於道。於是與汪子大紳往還甚密。而大紳顧好與予論文。予有作。每質之大紳。大紳之論文也。與邵薛異。

○此○上○知○落○字○之○法○
曰○從○自○己○胷○中○流○出○蓋○天○蓋○地○去○不○如○是○不○足○以○爲○文○予○心○是○其
言○而○難○之○其○後○入○京○師○遇○羅○子○臺○山○質○以○向○時○所○作○臺○山○輒○曰○否
否○予○怪○而○請○其○說○臺○山○曰○爲○文○之○道○昔○人○一○言○盡○之○曰○文○從○字○順
而○已○矣○有○倫○之○謂○從○以○言○其○理○察○也○有○序○之○謂○順○以○言○其○思○周○也
理○察○而○思○周○斯○其○言○足○以○達○天○德○明○王○道○自○六○經○四○子○以○降○獨○有
唐○韓○愈○氏○宋○曾○鞏○氏○爲○能○契○之○自○餘○諸○家○或○疏○或○駁○或○夸○且○陋○南
渡○而○後○遂○無○聞○焉○予○有○志○於○是○亦○法○韓○曾○二○氏○而○可○矣○六○經○四○子
其○根○柢○也○因○爲○予○繩○削○其○文○而○於○字○句○閒○尤○兢兢○予○自○是○不○敢○易
言○文○然○臺○山○故○好○習○靜○好○佛○書○自○與○予○交○日○以○斯○道○相○切○磨○已○而

遇戴子東原講訓詁治爾雅說文入包山讀法華經究天台教故
其論文也日益辨而予則以淨土爲歸日常束書不觀有所作稱
意爲之不復知爲何體之文也然予讀佛經而得爲文之旨焉旋
乾轉坤沐日浴月華嚴經之文也萬斛原泉千尋飛瀑般若經之
文也空山鶴唳靜夜鐘聲四十二章遺教經之文也雖然有本焉
大智心所出生故大悲心所成就故前二者之文予志焉未之逮
也或彷彿其影響者其後之文乎而臺山亦往往稱之謂予文如
梅如青蓮寒香寂淨和風扇物又曰本分事理本色文章道學九
如方得到此大紳論予詩曰束心於規矩之中遊神於言象之外
此○境○甚○佳○予○願○以○爲○歸○宿○

肫然至妙。充然有餘。其論予文曰。周情孔思。一往西方路頭。嘻。微
二子知我者則希矣。自顧少時。頑鈍庸劣。宜不足以與乎斯事。在
再四十年。賴諸將伯夾輔提持。不敢自放棄。而舊侶彫謝。前路茫
如。俯仰寸陰。彌增慨息。日業餘暇。援筆述之。志學之士。儻有興焉。
邵曰。辨體。薛曰。知道。汪曰。自己胸中流出。羅曰。法韓曾而已。則
以佛經爲旨。所謂有本與吾儒亦似無異。

○ ○ 復莊生斗書

承惠書。涼涼獨往。奮然欲攀古人而從之。以求道德性命之旨。而
致力焉。足下之趣。則高矣。始則自信。旋復自疑。此則恐於學問之
途。尙未得其門而入也。夫所謂自信者。非它信。吾心之無有上信。
○學○從○陸○子○以○上○接○孟○子○者○也○吾心之無有量。無有上。故萬物莫得而加也。無有量。故萬物莫得
而遁也。聖此心也。凡亦此心也。故曰。吾何歉乎哉。於此自信。於此
有立。是爲學問頭腦。而或徂於習動。於氣則必實致其廓清滯蕩
之功。以蘄乎純一不己之候。此非真有遜世無悶之心者。殆未有
不自厓而反者也。足下之疑。其不以此乎。僕年二十時。始知好古。

書慕古奇節文章之士。銳欲與之頡頏。而虛憍特氣。隱微之地。時不自克。妄欲希百世之名。殆所謂色厲而內荏者耳。年二十四。讀宋明諸先生書。始毅然以聖人爲必可學而至。默坐澁觀。恍若有見。由是反求之孔。會思孟書。覺一字一句。莫不從自己心中流出。初非有高深不可幾及之事。回視奇節文章。如傾勺水入巨海中。不復歆羨。取舍於其間。至修辭居業。虛心順理。以求一當。要與古人不大相遠。年來出入儒佛。雖工夫見地。屢有轉變。然其最初得力之地。不可誣也。足下既有志斯事。且當息心定氣。求古人之實而致力焉。欲求古人之實。當由宋明諸老先生書上。窺孔孟思會。

○此○與○劉○走○路○類○者○自○別

○讀○書○須○趁○此○才○爲○實○得

○好○處○在○

之。悵。反。覆。體。究。要。於。自。得。世。閒。師。友。何。以。過。是。於。任。生。所。見。足。下。
又。傲。然。其。自。喜。灑。然。其。自。異。在。儕。輩。中。誠。爲。特。出。然。而。理。未。實。氣。
未。調。文。句。間。未。盡。從。順。疑。亦。唯。虛。憍。之。爲。患。此。不。可。不。深。思。而。切。
圖。之。也。感。垂。問。之。勤。不。自。疏。外。伏。惟。鑒。察。不。宣。

陳義甚高然却教人有下手處故佳

顧亭林先生餘集序

予年十六以應童子試至崑山仲兄自家來視予一日偕予遊於市見鈔本亭林集一帙兄售而得之以授予予閱其文中多點竄蓋先生所手定既以刻本校之其十餘篇皆佚不著錄蓋編集時門人所削去者也然先生生平忠孝大節實具於此爰重錄而敘之曰文之至者必根於天性古之人內全忠孝之實以成其身外感於所遇以成其行明而爲日月怒而爲雷霆流而爲江湖其氣充乎天地故天地之氣之所之卽莫非其氣之所之也其有不客已於言以宣其忠孝之實而其言亦遂與天地之氣上下同流亘

古○今○不○息○唐○虞○三○代○禹○繇○益○稷○之○謨○伊○周○之○訓○示○大○小○雅○正○變○之○詩○尙○矣○下○此○屈○原○賈○生○劉○子○政○諸○葛○孔○明○陸○敬○輿○劉○去○華○陳○同○甫○文○宋○瑞○鄭○所○南○諸○公○之○書○其○生○平○未○必○其○求○工○於○言○不○過○道○其○意○中○所○欲○言○而○後○之○人○誦○其○言○往○往○感○憤○流○涕○若○生○當○其○時○身○其○憂○患○者○蓋○忠○孝○之○實○無○閒○於○人○人○諸○公○第○先○得○我○心○之○所○同○然○而○豈○一○人○一○世○之○事○哉○亭○林○先○生○開○代○通○儒○有○扶○世○立○教○之○志○生○逢○季○世○無○所○發○抒○孤○忠○磊○磊○至○老○不○變○其○所○爲○文○至○於○國○家○存○亡○之○際○忼○慨○傷○懷○或○揚○聲○哀○號○或○幽○憂○飲○泣○以○視○屈○原○賈○生○諸○公○時○遇○不○同○同○一○天○性○激○發○而○已○矣○先○生○嘗○受○官○唐○王○時○見○于○文○故○編○集○者○

不能無隱避。然伏觀明史。凡名臣之自靖於諸王者。皆大書而表之。我朝教忠之意至深遠矣。彼區區務爲隱諱者。豈足以識大公至正之道。烝民共秉之性。萬古臣子之坊。而謬執爲一人一世之私也。其不固矣乎。傳曰。天地之性。人爲貴。又曰。人之欲善。誰不如我。則是十餘篇書。不患其不傳。是十餘篇者。傳而後先生扶世立教之志得大。邇而無憾。則先生之言。雖不獲效於當世。其有功於後世何如也。

其文亦純是元氣融結而成。惜此十數篇者。不可得見。

○ 四子詩錄序

予年十八九始學爲詩。讀漢魏以來諸作者詩樂之爲之按其音聲窮其體態。夜以繼日。於已所作必求如是焉而後止。旣而年益大。漸不暇爲詩。暇則取古人之詩。如已意所欲言者讀之。不知古人之非已也。不知已之非古人也。其於朋好閒亦然。朋好閒爲詩者多矣。而吾尤樂大紳家三臺山與吾宗秋士先生之作。每手錄其詩。與已所作者雜置卷帙中讀之。不知四子之非已也。不知已之非四子也。然而四子之詩亦各有其趣矣。家三之詩溫讀之者於春宜臺山之詩雄讀之者於夏宜大紳之詩曠讀之者於秋宜

秋○士○之○詩○寒○讀○之○者○於○冬○宜○有○是○四○子○詩○而○予○我○以○四○時○之○樂○其○
亦○可○優○游○以○卒○歲○矣○予○既○不○暇○爲○詩○又○不○忍○棄○前○之○作○因○自○訂○其○
詩○爲○秋○陽○閣○詩○草○共○三○卷○四○子○者○嘗○讀○而○樂○之○復○編○四○子○詩○別○爲○
四○卷○題○之○曰○四○子○詩○樂○吾○之○樂○所○以○樂○四○子○之○樂○也○

妙趣妙文

○震川文錄序

予讀震川歸先生文。愛其稱心而言。汪洋澹泊。獨深於性情之際。以爲古之作者當如是也。夫文之爲道微矣。顧自南宋以來。知言之士。取足以達意而止。卽達亦未始非聖人之訓。然而主文譎諫。風人之情也。朱弦而疏越。一唱而三歎。古樂之遺也。是則達之爲言。殆未足以盡文之變也。先生生明中葉以降。皇極不張。封疆多故。累朝休養富庶之效。日耗蹙。先生有隱於衷。其於國家治亂之幾。人才消息之故。以及賦役水利海防諸大政。熟復於中。而形於言。多鑿鑿切利病。而其言或不敢以盡。卽盡矣。而不傷於激。蓋風

人之指在焉。至其俯仰身世。反觀默省。時復超然遠覽。歉然而不自足。故其音悲渺而深長。此先生之所存。有未可一二爲流俗人道者矣。予早歲得廣昌黃君靜山所評先生集。往往善發其中意。錄爲一帙。往復不厭。頃有同學友索觀之。因復取先生集周覽一通。續有增刪。共得若干首。以之頡頏歐曾諸大家。庶幾無愧先生敘項氏文。以爲文章天地之元氣。原其要。一以自得爲本。夫學期於自得而已矣。自得之道。抑不獨在文章。而先生第以文章爲言。其自知之審也。其終不能無歉然者邪。

此敘得震川之深。予生平爲文。頗沾沾自喜。然究而觀之。止到

得一達字而於風人之旨或遠矣讀此知敢以盡與傷於激皆
吾文之病而亦不但文章之病也

○汪子文錄序

予年二十餘始有志於學。其端實自汪子大紳發之。予之志於學也。初學於程朱。汪子則與予言程朱。汪子之言程朱也。非猶夫人之言程朱也。繼學於陸王。汪子則與予言陸王。汪子之言陸王也。非猶夫人之言陸王也。已而予學於佛。學於淨土。汪子則又與予言佛言淨土。蓋予之學日以變。而汪子之言日以新。而汪子一若無與於其閒者。善哉汪子之妙於言也。異哉汪子之切於予也。予之於汪子之言也。一以爲剏獲。一以爲固然。其不合者則希矣。持以與人人莫測其所謂。獨羅子臺山見而識之。曰是無師智之所

流也。汪子既樂與予言。及見臺山而大樂。遂樂與臺山言。又樂與予言。臺山其言臺山也。不獨贊歎而已。詆訶笑謔無弗有也。其於予也亦然。時或與臺山言。予詆訶笑謔無弗有也。汪子之文。經臺山手定者。予輒錄藏之。久之成帙。已而爲汪子取去。閱三年乃復以畀予。于時臺山已下世。摩挲故迹。執卷慨然。蓋自是罕有知汪子之文者矣。往者臺山自南海還。入洞庭山。予慮其往而不返也。因取臺山文錄而敘之。及是汪子亦將入洞庭。尋臺山異時讀經處。汪子非往而不返者。其於洞庭郵傳焉而已。雖然。汪子壯歲負經世志。喜道陳同甫之爲人。其深識遠慮。具見於所爲三錄中。頃

屢困於鄉舉。髮禿貌穢然老矣。方今王路蕩平。庶職就理。雖有
○土○生○大○平○時○之○出○而○從○仕○無○可○表○足○特○不○知○自○樂○其○樂○之○我○得○
不羈才。如同甫輩。吾猶將招之。青山白社閒。彷皇乎無何有之鄉。
○也○
以盡此生也。汪子其能無意乎。汪子嘗評予文曰。釀華成蜜。予則
評汪子文曰。噓氣成雲。噫。自臺山而外。世尙有知汪子如予者邪。
于其入山也。援敘臺山之例。敘之。是予之切於汪子也。汪子其有
以報予矣。

中後插入臺山真有相視而笑莫逆於心之概

○ ○ 近取堂記

予年二十餘矜尙氣節嘗與亡友薛家三言志願得爲朝廷諫官慷慨論世閒利病卽遇挫折不悔而頗欲使天下之士慕義無窮也家三日吾之志異於是願得負郭田數百畝與九族共之以餘財推之於鄉里仿東林同善會俾鰥寡孤獨者有養也其可矣予愧其言以爲仁人之用心當如是久之余幡然有志古聖人之道立人達人之心油然而已予言之已欲立而立人已欲達而達人然則立人者其立己之成者邪達人者其達己之盡者邪人已異形而欲則未嘗異也然則積已成家家一己也積家成鄉鄉一

此段極似馬伏波兄弟語

己也。積鄉而邑。國天下。邑國。天下。一己也。豈不至近乎。而知取焉者鮮焉。夫未履其地。思任其事。未遇其時。思奏其功。豈不曰吾欲立人而達人也。役役焉。馳騫於遼濶。而其近者反曠而不治。予是以上。庶。以。益有味乎家三之言也。乾隆三十七年。里人既。以。下。實。做。施棺局。請予爲之監。余慮其事之不易繼也。舉一會人輸十金。至百金。共得千八百兩有奇。將以十年爲斷。取十一之息。償所輸。用其本買田。以供用。舉會之日。有願勿償者。得數百金。時方募金。開放生池。建流水禪院。不足。取前會二百金。以佐之。而收其餘息。給僧守院者。頃之。復與會友沈浴鯨謀。謂古稱窮無告者。惟鰥寡孤獨。而孤寡較

鰥獨尤窮士族之孤寡者較之小戶又甚焉遂爲會以周之三年所散者千金所周者百有三十餘家其費之所出司事者募金充之予復謀之李以定吳崧蕃圖所以久遠者集友十餘人續舉一會亦以十年爲斷醵金五十兩其法畧如前會而稍加其息會集長洲學宮之東文星閣予顏其堂曰近取亦猶行家三之志也然自三四年來家三教授於外凡余所行事不獲與家三共之及家三自沂州歸歸一月而死悲夫家三之言余旣用之鄉遂欲用之家間嘗請於大人及諸父諸兄舉千金之會將益廣之置義田然則家三之志我爲之與家三爲之果有異乎哉爰記其顛末以道

家三之志及余所感發於家三者欲吾同儕廣而縣之至於無窮亦家三之欲也

聖賢事業菩薩心腸行文如獨繭抽絲愈長愈勁自家心願畢曰而家三之虛談亦藉以不朽矣

○江西新城縣中田廣仁莊記

予與江西新城魯絜非交。絜非爲述其姻陳君兄弟積而能施。自其先人凝齋先生嘗積穀三千石。遇歲饑減價糶。糶已買新穀補之。積三十餘年。至君兄弟欲益衍先人之澤。乃以所積穀推而出之。爲鄉人倡。於是鄉人相率捐穀易金千餘兩。共建一倉。而陳君兄弟更捐田數百畝。歲收其入以代匱。推其贏視鄉之鰥寡孤獨廢疾者。周之。其死無以斂者。予之錢以斂。無以葬者。藏之。義冢復推其贏視耕牛老疾者。量其大小。予主者以值。禁不得殺。俟其斃而埋之。其法蓋本之其鄉先賢鄧潛谷而加詳焉。莊成命之曰廣

仁於是中田之鄉生者有養死者有歸物靡不得其所矣予嘗論
國家休養百餘年所以利斯民者謀之至纖悉也常平社倉之
設所在有之顧其利之及民與否未易言以吾蘇言之比年穀貴
有司出常平倉粟率紅腐莫有糶者私家糶則爭趨之何哉社會
之長拙者坐困於誅求黠者且徵貴賤權子母而以其羨爲官費
而民曾不得貸焉何哉豈不以官之與民其勢濶其形睽故其情
不能以自達彼其所爲利之者徒文具焉耳而有司者未盡知之
也且以其在官者之爲利也故自數年以來凡養老育嬰葬埋諸
局吾鄉諸耆舊竭心畢力而成之者一旦悉舉而籍諸官於是歲

收所入取十三四以饗吏胥猶苦不足而其利之及民者日鮮矣。古者司徒之擾民既以保息六養之以荒政十有二聚之又必施教法比使相保閭使相愛族使相葬黨使相救州使相賜鄉使相賓其亦以官之利之不若民之自爲利之民之自爲利之又。不若民之相爲利之也。陳君兄弟與其鄉之人共爲此舉由其法可以相利於無窮爲有司者惟當戒之勸之俾勿壞且使吾境內之民觀感則效之其可矣而忍奪而籍諸官也哉。陳君兄弟皆官清要其鄉諸君子亦多讀書奮迹仕宦其出而臨政必將有以利吾民吾願諸君以其行於鄉者達之天下以裕民財以善民俗以推宣

聖天子煦嫗斯民之至意而益衍先賢之澤於無窮其仁之廣又何如也莊中出內規制別有記子特推究夫利民之實俾後之圖利民者知所致鑒焉

名論不刊大都總以籍諸官爲大戒可爲龜鑒

。洞庭東山席氏祠堂記

席君翰邦構家祠於洞庭東山之安仁里。祀其高祖以降凡四世。既成而自述其緣起曰。此非小子彬之能也。先人之志也。蓋自我曾大父涵碧府君宅于茲也。積有年所。平生忠實不虞人欺。一族人挾府君資以賈。而詭言失利。如是者再。府君鬻居償所負。已而其人謀漸洩。府君置勿校。暨我祖我父。欲恢其舊而格於事勢。常隱恫於厥心。及彬之生。賴先人餘蔭。得以無饑寒之憂。積銖累寸。終克反其故宅。益擴而新之。幸克藉手以竟先人未償之志。而終以慰府君不報之施。然則斯祠之作。其可緩乎。遂介其友人請予

爲之記。子慨然而歎曰。烏呼。是可以觀天道矣。余讀易至復姤之
際。未嘗不悚然於君子慎微之學焉。一陽在下。於卦爲復。於時爲
仲冬。萬物之生機未遂也。進而爲臨。爲泰。又進而爲大壯。爲夬。爲
乾。於是百卉昌。潛魚躍。候蟲鳴。而生理暢焉。皆此一陽爲之兆也。
一陰在下。於卦爲姤。於時爲夏仲。萬物之生機未闔也。進之爲遯。
爲否。又進之爲觀。爲剝。爲坤。於是木葉零。堅冰至。羣動蟄。皆此一
陰爲之兆也。故君子之於善也。常不忽於其微。而其於惡也。必制
之於始。其不忽於微也。故人視之。泯泯焉已爾。默默焉已爾。誠不
知其操於獨者。有甚危焉。而不敢易也。其接於人者。有甚畏焉。而

不敢先也是其善也。得不日積乎。其制惡也。絕其根而不使有芽之萌也。激其源而不使有波之濫也。是其惡也。得不日損乎。惟天之於人也。視其善惡之差數。而禍與福迭消長焉。如持權衡以稱物。初未嘗適輕適重於其間。然而遲速之不均也。顯晦之有時也。此又人事之適然而天所以陰陽斯民。相協厥居者。固千萬年而未始或忒也。觀於席君之所述。其先人能以忠實自存於心。而不較目前之得失。如一陽之在下。純純緜緜。固結而弗解。暨子若孫○地○成○遂○乎○以○矣○推衍遺緒。浸熾浸昌。及君之身。遂克復其故業。而妥侑其先靈。其不爲泰之三乎。雖然。無平不陂。無往不復。艱貞無咎。勿恤其孚。于

食有福易之示戒深矣是宜益廣先人之志盡爲善之實而浚去
乎爲惡之機遏絕羣陰馴至於六陽而不息然則天之報之者吾
知其日引月長而未有艾也於其請也遂書而爲之記
不沾沾爲一事言爲善者可以自堅其志矣

○常州知府黃君墓表

常州知府黃君、既歿二十三年、其子光理、光琮、始克葬君於其鄉小港之原、又逾年、以書告於紹升、屬爲文以表於其墓。紹升年二十餘、初自奮於學、誦黃君之言、因以識黃君之志。黃君之言曰：「善人君子、不可絕於世。如嘉種焉、生人之命所恃以立也。烏呼、豈不然哉。黃君不幸、早卽世、而其時所謂善人君子、迄於今亦零落殆盡矣。可悲也。」夫黃君諱永年、字靜山、自號崧甫、世爲江西廣昌人。雍正六年、舉孝廉方正、不就。乾隆元年、成進士、授刑部主事。累遷至郎中。君故好學、以文章自名。平居未嘗廢書、及官刑曹、則矻矻

○不實、叙、平、反、而、以○此作旁註○

治案牘於諸疑獄多所平反。一日有廣東客謁私第。閱者以名聞。弗識也。及見。遽伏地叩頭謝。仰而言曰。某頃以某事陷冤獄。非公則久人鬼錄矣。徐出一盆珠獻之。曰。謝公大德。君變色曰。嘻。我爲刑官。據法出無辜。職爾。何比於汝。而乃汙我爲客。大慚。內珠袖中。逡巡去。旣公卿交章以御史薦。時宣城知縣段雲翮以迂謹失上官意。會有築城之役。委他官代治之。雲翮故勤民。民愛戴之。民間訛傳雲翮被劾。且受代。相率罷市。關於府堂。巡撫以變聞。坐雲翮指使舉。上以御史言。命君往鞠之。但請以雲翮改教官。諸囚並減死。十年拜平涼知府。以親老辭。改知鎮江。歲餘又改常州。君爲

政寬重有體。尤盡心溝渠之利。在常州濬德勝滌港。溉田二十餘萬畝。行部所至。必咨訪高才。尊禮有德。事上官未嘗屈節。總督黃文襄初至江南。知府以下迎者。俱路旁跪。君獨長揖而已。後以閔兵至常州。供具頗約省。黃弗善也。尋以它事奏罷官。待獄於蘇州。日閉門課文史。焚香默坐。泊如也。十六年夏六月。遇疾卒。年五十有三。巡撫雅公知其貧。欲令屬官各致賻。或以告光理。光理曰。此豈先人志邪。辭之。喪之歸也。費皆出門人。陳道云。初君在京師。與同朝賢士大夫砥厲志節。一日大學士鄂文端與寧化雷貫一燕語。論當世人才。貫一道君之爲人。文端以是知君。君爲曹官得稍

○有○錄○文○端○則○曹○官○得○行○其○志○遇○黃○文○襄○則○知○府○不○免○罷○黜○至○今○
行○其○志○者○文○端○力○也○文○端○薨○君○竟○以○黜○死○而○諸○公○亦○相○繼○去○世○晚
○日○向○善○人○君○子○不○可○得○兄○矣○所○謂○論○世○具○在○于○所○
進○之○士○其○風○氣○稍○殊○矣○余○不○獲○生○君○之○時○與○諸○公○一○發○其○中○之○所
藏○也○余○能○無○憾○乎○君○舉○鄉○試○出○大○人○之○門○平○生○書○疏○往○還○頗○密○商
權○問○學○氣○益○深○至○紹○升○嘗○竊○聞○之○又○嘗○與○光○琮○相○處○久○得○備○聞○君
遺○事○因○揭○其○大○者○著○於○篇○使○後○之○論○世○者○徵○焉○
表○一○罷○黜○知○府○而○欲○令○後○之○論○世○有○徵○此○豈○尋○常○吐○屬○與○上○關
懷○庭○表○皆○所○謂○高○言○不○止○於○眾○人○之○心○者○也○

○秋士先生墓誌銘

秋士先生之卒也客外生張氏未逾月遷殯於墓越明年八月丁卯始克安厥兆其族子紹升爲之志志曰烏呼先生之遇窮矣人之弔先生者未有不悲其窮者也吾獨謂先生竹柏之性有節有文落其實蓋季次原憲之流采其英亦元結孟郊之匹吾未見先生之窮也然先生終竟以窮死其窮者蓋在旦暮閒其不窮者無涯矣而又何悲焉先生彭姓績名其凝字夏字曰秋士世爲蘇州長洲縣人高祖諱行先明季貢生有高行曾祖諱球父諱景驥母吳氏生母錢氏妻龔氏先卒無子嗣子曰以成其卒以乾隆五十

年正月丙子年四十四墓在吳縣九龍塢之原銘曰
謂先生窮春艸其丰幽幽長松歸乎其宮

體潔神腴令人百讀不厭

○ 盧太公墓誌銘

紹升年十八中禮部試出餘姚盧先生紹弓之門。于時紹升方專
攻科舉文。而先生獨賞其五策。以爲是可與道古者。其後紹升治
古文。因以採古人所以爲文之本。慨然欲求師友於天下。聞桑先
生歿甫講學濟南。通書晉謁桑先生。出所爲講義。肫肫然以聞道
相勸勉。紹升退而益自奮。盧先生爲桑先生館甥。紹升旣從盧先
生游。因得習聞兩家風義之古。先生父盧太公與桑先生交最善。
妻馮太宜人。生盧先生五歲。得療疾。自知不久。太宜人雅重桑先
生。時方議昏姻而未決也。聞其來。隔中門須之入。再拜而請曰。願

以兒子爲託。亡何太宜人卒。桑先生感其意。進盧先生於門。授之學。遂以女歸焉。已而盧先生登高第。入翰林。以文章名。節重於時。蓋太公之教。則然。亦桑先生有以成之也。太公之卒也。與馮太宜人合窆於杭州北郭外道古橋先塋之次。在乾隆二十四年四月乙丑。其後三十年。繼室張太宜人亦卒。將以五十四年正月丙戌。啓壙而附焉。盧先生以志石之文。未具。遺書紹升。命敘而銘之。太公諱存心。字敬甫。其先爲范陽盧氏。隨宋南渡。慶元中。敕封盧氏爲六府。其一姚江宣尹府者。太公所自出也。五世祖臺。始遷杭州仁和之東里臺。生大繼。大繼生元和。元和生承芳。明季署知建平。

縣承芳生之翰。娶楊宜。人生太公。太公少穎敏。讀書數行俱下。家有書數篋。桑先生每來就太公談。至夕挾兩冊去讀之。太公亦夕讀兩冊。明夕又更互讀之。且相見各舉所得相攷證。如數指上紋。如道家常織。悉事輒相與拊掌稱快。因名其居曰三益堂。已而兩人同補諸生。皆第一。太公爲文下筆輒數千言。爲詩輒累百韻。桑先生亦然。有倡必繼。繼必務出奇以相勝。桑先生語太公曰。吾兩人生相得。死當相鄰。它日時。雙冢於湖山之畔。一題曰。大清文人盧君之墓。一題曰。大清詩人桑君之墓。不亦快乎。桑先生素以詩自雄。而尤以文推太公。故其偁如此。已而桑先生自悔其所

爲一以躬行爲先務。太公嘗應博學宏詞徵。弗售。晚日益韜晦。粥
粥若無能者。所爲文。應手散去。烏呼。太公之所規。則遠矣。其爲桑
以○此○精○先生友也。豈偶然哉。太公爲人。篤於倫理。修長者行。窮交弟子多
所推動。故人吳紹庭卧病。數徒步往候之。爲處分後事。日往返十
餘里。遂得疾。三日而疾亟。促移居正寢而逝。時乾隆二十三年十
二月。旣望年六十九。以錢塘學廩生歲滿貢太學。封儒林郎。內閣
中書舍人。晉贈奉直大夫。翰林院侍讀。馮太宜人考曰景。以古文
名。康熙中世所仰山公先生者也。太宜人歸太公六年卒。年二十
四。生子文昭。卽盧先生。官至翰林侍讀學士。提督湖南學政。張太

宜人生子文韶。餘姚縣學生女一。適杭州府學生王士銘。兩太宜人俱篤修婦道。馮既早世。張均愛兩子。督使勤學。持門戶者數十年。精心計通醫卜。卒年八十九。孫九人。孫女七人。銘曰。不知其人。視其友。惟桑先生。敦厥守。太公匹之。兩不朽。

通篇以桑先生伴講一提一結。章法瞭然。中間亦如太史公合傳。

書鄧自軒先生集後

予往在京師。得交于瑞金羅臺山。臺山道鄧自軒先生之爲人。私
心識之不忘。旣而臺山自瑞金來蘇州。出先生文集示予。曰。子能
知先生讀先生書。其可以無言。予讀先生書。誠服之。欲出一語以
贊先生而不得也。八月旣望後。獨宿小園中。夜起立倚墻。于時白
雲在天。明月在水。清風在廬。寒香在樹。遂誦先生詩曰。處處桃源
處處津。不知誰是武陵人。從今懶向漁郎問。鎮日窗前瞌睡頻。蓋
從容乎子樂也。越翼日。書之先生集後。以復于臺山。

神化之境。超妙之文。

。故中憲大夫工部尙書湯文正公事狀

公諱斌字孔伯河南睢州人高祖諱易官岷州守備曾祖諱希范
官趙城縣丞祖諱敏父諱祖契俱學生祖契封中憲大夫陝西按
察司副使明末流賊陷州城母趙氏被執不屈死公從父避兵南
下寓衢州順治二年大兵定江南始還里公少端謹比長博通羣
籍尤好朱諸大儒書五年舉鄉薦明年登會試榜又三年成進士
選宏文院庶吉士十一年授國史院檢討十二年春應詔陳言
請廣搜先代遺書及明末死難諸臣事蹟以修明史且言宋史修
於元至正不諱文天祥謝枋得之忠元史修於明洪武並刻丁好

禮○普○顏○不○華○之○義○我○朝○順○治○元○年○二○年○閒○前○明○諸○臣○亦○有○抗○節○
致○命○者○宜○令○纂○修○諸○臣○勿○事○瞻○顧○昭○示○綱○常○於○萬○世○事○下○所○司○大○
學○士○馮○銓○金○之○俊○等○謂○公○誇○獎○抗○逆○之○人○擬○旨○嚴○飭○世○祖○
心○是○公○言○召○至○南○院○溫○語○久○之○秋○詔○選○翰○林○科○道○十○八○人○加○一○
級○外○轉○以○公○爲○陝○西○潼○關○兵○備○道○大○兵○下○滇○蜀○關○中○當○孔○道○軍○所○
過○頗○驕○橫○民○多○竄○匿○公○隨○方○調○遣○過○者○悉○斂○手○就○約○束○於○是○設○保○
甲○行○鄉○約○建○義○倉○立○社○學○不○三○年○流○民○復○業○者○數○千○戶○歲○旱○無○麥○
而○春○夏○兵○餉○例○麥○麥○價○浮○於○穀○公○請○發○倉○穀○以○代○軍○帥○不○可○曰○如○
是○兵○且○變○公○曰○民○且○饑○死○獨○不○能○變○乎○兵○有○變○吾○自○任○之○卽○與○兵○

約今與汝穀。明年將補償。若麥而若以穀還官。兵皆帖然。曰願如令。於是關西數千里。麥征悉停。十六年。調江西嶺北道。轄贛南二府。李玉廷者。明舊將。以所部萬人入雩都山爲寇。公移書約降之。會海寇鄭成功犯金陵。陰通玉廷。公獲成功謀。白巡撫斬之。度玉廷且犯南安。卽移兵爲備。玉廷至。卻走之。復請兵分守要害。扼其去路。數月。玉廷就禽。尋移疾歸里。丁父憂。服除。謁夏峯孫徵君。受其學。歸而與諸學者爲志學會。講求體察。日益完粹。公之論學。首嚴義利之辨。以爲君子小人無它喻。義與喻利而已。平天下之道。無它以義爲利。不以利爲利而已矣。故其在官。無取於屬吏。屬吏

亦不敢取於民。上官知其然。其於公也。亦無取焉。又嘗論官無尊卑。爲一官。卽盡一職。是位天地育萬物。不過如此。以是行於已。亦以是勉於人。視人如已。視民事如家事。獎善而遏惡。損已以益下。是故賢者信其心。不肖者亦服從其教。康熙十七年。詔舉博學鴻儒。都御史魏敏果。公。副都御史金鉉。俱以公應。詔名試一等。授翰林院侍講。纂修明史。二十年。充日講起居注官。浙江鄉試正考官。轉侍讀。明年。爲明史總裁官。直經筵。纂修。

太宗

世祖聖訓。遷左春坊左庶子。公爲講官。每進講。先一日齋肅潛思。

經義務積誠以動。上嘗言君心正則天下治如天樞之運衆星。爲講官須於此處着力。二十三年擢內閣學士兼禮部侍郎充大清會典副總裁官。河南災閣臣議遣官往勘公曰無益也。使者所至苛擾實甚。州縣此意人多不知一聞遣使輒輟耕以待勘。是再荒也不如令有司自勘。良便已。而河南果畏勘災諱者過半。給事中任辰旦議巡狩封禪事大學士擬旨切責公曰給事言是。李沆曰邊患旣息恐人主漸生侈心。相公獨不以爲慮乎。或議改法令公曰官之失德寵賂章也不此之懲區區之法何足恃乎。在閣凡四月所言雖不盡用然莫不敬而憚之。六月江蘓巡撫缺九卿會推學士孫

在豐浙江布政使石林

聖祖諭大學士曰學士湯斌會與孫奇逢講明道學前典試浙江操守甚善可補授江蘇巡撫頻行諭以江蘇風俗奢華爾其潔已率屬加意化導俾革心易慮賜御書三鞍馬一表褒十銀五百兩其年冬抵蘇州會

聖祖南巡迎駕至金陵

聖祖命回蘇治事蘇城道狹總督將毀民居廣馳道公曰如此則數萬人無所安息非主上勤民意也遽止之駕反送至金陵而還於是革耗羨禁私派清漕政汰蠹役行保甲革鹽商厘費自

總督以下皆相傳戒不得受所屬餽遺。京朝官使過者毋敢有括索。所部肅然。蘇松常苦賦重。積欠甚多。而江北諸州縣地瘠薄。又屢被水旱。公以爲民氣未蘇。教化未易行也。於是奏免淮揚水淹地賦。請緩蘇松積欠爲分年帶征。俱下部議行。又請蠲卅八年十九年災欠。請除邳州版荒田賦。又請蠲明神宗朝所加九釐餉。又極陳蘇松浮糧之困。請量行酌減。二十四年秋。淮揚徐三府復被水。公條列蠲賑事宜以聞。借布政使庫金五萬告糴江西湖廣。不俟詔下。遣官遽行。是年米價大平。謂善民俗莫先於興學。益廣社學之制。令城內外及鄉鎮二百家以上皆設學。鄉之子弟就

學者廩之。擇諸生中賢者爲之師。月會明倫堂。講孝經小學。復爲期集士民講。上諭十六條。皆身莅之。禁婦女毋遊觀。胥吏倡優。毋得衣裘帛。斷坊刻淫詞小說。諸無賴爲民害者。及借端煽誘者。悉痛除之。上方山有祠曰五通。禱賽甚盛。神橫而好淫。公取其像投諸湖。其祀遂絕。公自奉澹泊。脫粟羹豆。與賓友共之。治文書。率常至四鼓。日中始一食。或勸以少休。慨然曰。君命卽天命也。日監在茲。敢自暇逸乎。察吏嚴劾。府縣官趙祿星張萬壽等八人貪酷。臯罷之。舉廉能知縣劉滋郭琇二人。以積欠未完。格於部議。聖祖特破例用之。居二年。吏治日清。民俗不變。時大學士明珠方

樹黨招權利。引前江蘇巡撫余國柱爲戶部尙書。先後蠲漕及緩征。以部費爲名。索金累巨萬。布政使累以爲言。公弗許。及大計。兩司治行有所需。憚公不敢發。遂徒手入京。以是諸要人皆不便公所爲。會皇太子出閣。或言輔導太子。非公不可。二十五年春。

聖祖遂下詔。以公爲禮部尙書。管詹事府事。公去蘇士民遮塞衢道。不得行。公以前論浮糧事。屬於廷議。因示諭有愛民有心救

○集中有詳陳蘇松○通賦糧清之○山○勸請○裁酌事疏

民無術語。國柱與明珠謀聞於上。謂公市恩。旣至。充經筵講官。並充太子講官。進講東宮。首陳大學財聚民散之義。

聖祖聞謂皇太子曰。此列國分疆時語也。若天下一統。散將安

之試問之公對曰土崩之勢甚於瓦解秦隋以來迄於勝國末流之禍可母懲乎

聖祖諒其忠亦弗責也二十六年五月不雨

聖祖命閣臣各問九卿興革事宜公言民間春稅力弗能堪宜復夏秋兩稅又言蘆課徵銅銅不常有仍聽輸銀便余國柱遽起拄公曰公欲變此法竢國柱去戶部未晚也會詔求直言靈臺郎

董漢臣上書極論時事語侵執政御史陶式玉劾漢臣撫拾淨詞

欺世盜名請逮治下內閣九卿議時國柱已爲大學士明珠內懼

王亦爲此言耶

議與國柱等因服待舉大學士王熙笑曰市兒妄言立斬之畢矣

公後至國柱以兩議告公曰彼應詔言事爾何罪且所言早論
教崇節儉宜施行大臣不言小臣言之我輩當自省於是大學士
勒德洪吏部尙書達哈塔皆如公議明珠入國柱踵其後而與之
語已而漢臣免議尋詔公與達哈塔少詹事耿介輔導皇太
子公以疾辭國柱傳旨詰責並問公當會議時何以有慚對董
漢臣語公引咎乞加處分於是左都御史璆丹王鴻緒副都御史
徐元珙鄭重等並疏劾公且追論公去蘇時巧飾文告沽名干譽
時耿介方以疾乞休介公所薦也於是詹事少詹事舒淑開
音布翁叔元劾介詐疾并劾公不當薦介而達哈塔獨上疏請與

蘇軾同罷並下部察議當革職

聖祖命公與達哈塔俱降級畱任而獨聽介去公適聞繼母疾乞歸省

聖祖手詔慰畱忌者意未已宣言上將進公旗下或勸公委曲諸公間以自解公曰六十老翁尙何求吾安之矣或又勸發忌者陰事以紓禍公曰老母在未敢以此試也九月有疾敕御醫就視改工部尙書九卿有會議事公以入講不至復爲科道所劾部議降二級畱任如故十月疾少閒屬有興作度材通州歸得寒疾夜半氣逆上遂卒先是語人曰吾數月來心無一綫放逸得力深

於平時臨終戒子溥曰孟子言乍見孺子皆有怵惕惻隱之心汝等當養此真心真心時時發見久之可上達天德若徒襲取於外終爲鄉原無益也卒年六十一

聖祖遣學士多奇翁叔元奠茶酒命馳驛歸以尙書禮祭葬陝

西江西江南諸大吏並采眾議請以公入名宦祠報可雍正十

一年詔入賢良祠乾隆元年追謚文正所著雜學編潛庵文集

未行於世子四人溥溶沆準公之學不立門戶不矜口辨嘗論朱

子之學流而爲誦說其失也支王子之學流而爲虛無其失也蕩

去短取長補弊救偏要以躬行心得爲本若乃黨同伐異終日喧

嗚○自○以○爲○閑○道○闕○邪○不○知○其○去○道○也○日○遠○烏○呼○公○之○用○心○可○謂○公○
而○篤○矣○夫○其○內○省○也○密○故○未○嘗○驚○於○外○其○自○任○也○重○故○未○嘗○足○於○
中○其○仁○於○民○物○也○誠○故○其○出○也○上○乎○而○下○應○其○服○習○於○天○德○也○孰○
故○歷○夷○險○盡○常○變○灑○然○而○不○繫○安○然○而○不○遷○古○之○所○謂○大○人○者○非○
公○其○誰○與○昔○曾○太○父○侍○講○公○常○侍○公○几○席○平○生○奉○公○爲○師○法○輯○公○
遺○書○慕○公○久○顧○前○輩○所○撰○諸○碑○志○頗○未○盡○本○末○爰○次○公○遺○言○行○采○
其○犖○犖○大○者○爲○之○狀○如○右○

堯峯文鈔有碑於事蹟甚備而學未及詳此則面面都到真有
體有用正己而物自正之大人然二三大臣卒不能容何哉

林居文錄卷二

長洲彭紹升永初著

後學上高李祖陶欽之評點

新昌漆象曾念菴校刊

○○○故東閣大學士吏部尙書熊文端事狀

公諱賜履字青岳湖北孝感人順治十四年舉於鄉明年成進士
選庶吉士授檢討十七年充順天鄉試副考官康熙二年遷國子
監司業四年遷宏文院侍讀六年五月

聖祖詔臣工直陳政事得失公於是上書曰臣荆楚鄙儒猥蒙
先帝簡拔授以清班繼荷

皇上殊恩累遷今職兩朝知遇

高厚難名中夜捫衷汗流浹背伏念臣自幼讀書辨志竊以聖賢

爲師數年以來恭遇皇上高拱深居經筵未舉區區獻納徵

忱無由上達且以出位陳辭典制有禁因循緘默尸素到今臣之

罪也亦臣之分也茲者伏遇皇上恪謹天戒軫念民依虛已

下詢采及葑菲此正微賤小臣圖報涓埃之日也謹仰遵明詔

殫竭愚衷惟皇上畱神省覽伏讀詔書有曰今聞直隸各

省人民多有失所疾苦窮困深可軫念或因官吏貪酷浚削民生

或因法制未便致民失業烏呼皇上此心乃二帝三王之心

皇上此言乃二帝三王之言也夫民生今日其困苦亦孔亟矣國

家日言生聚而彫弊愈甚。日言軫卹而創痍不起。日言招集言蠲免而流亡滿目。逋欠浸多。近而畿甸。遠而各省。流離項尾。所在皆然。邇厥由來。惟是官吏之剗剗徭賦之繇。重有以致之。誠有如聖諭所云者。蓋小民水耕火耨。終歲勤勞。僅足以贍給俯仰。而夏稅秋糧。朝催暮督。賣絲糶穀。十室九空。私派倍於官征。雜項浮於正額。分外之誅求。無名之賠補。種種浚刻。剗膚及髓。一有不應。卽已顛頓。呼號於捶撻敲朴之下。而無能安其室家井廬之樂。哀此小民。正使年熟歲稔。尙難保須臾之命。一旦水旱頻仍。饑饉見告。其不轉徙流亡。填溝渠而委道路者。幾何哉。蠲賑則吏收其實。而

民受其名賑濟則官增其肥而民重其瘠强者斬木揭竿弱者析骸易子此理勢所必至者烏呼此固民情之大可憫而國計之重可憂者也雖然此不獨守令之過也上之有監司又上之有督撫朝廷之于守令方責之以廉而上官實教之以貪皇上固授以養民之職而上官自課以厲民之行今日之爲守令者亦甚難矣督撫廉則監司廉守令亦不得不廉督撫貪則監司貪守令亦不得不貪表有影原有流此又理勢之必然者也今之爲督撫者求所謂精白乃心爲國家安輯地方愛養黎庶者臣不敢謂無其人獨是國家以全省民命舉而付托於其身畀以察吏安民之權

屬以興利除害之任。其待之不爲不隆。而任之不爲不重矣。乃日望其察吏。而吏治日壞。日望其安民。而民生日蹙。日望其興利除害。而一利未行。一害未去。不可不謂之上負朝廷。下負生靈矣。大抵有司之職業在地方。而上官之激勸在舉劾。年來督撫之所薦揚者。果小民之戴爲父母。而尊若神君者乎。其劾爲貪庸者。果百姓之畏若豺虎。而疾如蛇蝎者乎。是未可知也。以督責爲能。而不問其慈惠。以催科爲政。而不問其撫綏。以資緣之巧拙。爲優劣。而不問其材幹之長短。以禮節之厚薄。爲殿最。而不論其品誼之高下。此風一倡。爭相效尤。交蟠互結。牢不可破。是以數年以來。旱

○激○時○聞○死○亡○載○道○而○此○輩○與○金○饌○玉○莫○宴○朝○歌○恬○焉○不○知○有○困○窮○
疾○苦○之○足○念○在○此○輩○不○過○爲○一○時○之○利○梯○一○己○之○貪○欲○而○不○知○其○
歛○怨○聚○愁○爲○國○家○釀○此○不○解○之○毒○在○廷○諸○臣○習○爲○瞻○徇○務○相○容○隱○
不○肯○舉○發○其○貪○惡○之○迹○以○告○皇○上○間○有○一○二○指○名○糾○叅○者○亦○
不○過○淡○寫○輕○描○微○示○其○意○而○皇○上○亦○莫○得○洞○悉○其○蠹○國○養○奸○
橫○虐○殃○民○之○實○狀○故○此○輩○得○以○久○竊○威○權○爲○壟○斷○之○長○計○而○無○辜○
赤○子○顛○連○莫○告○者○正○未○知○何○日○有○再○生○之○地○也○伏○乞○皇○上○將○
見○任○督○撫○大○加○甄○別○其○賢○而○能○者○加○銜○久○任○其○貪○汙○不○肖○者○立○賜○
黜○退○無○令○久○居○人○上○荼○毒○生○民○嗣○後○遇○督○撫○缺○出○不○拘○內○外○大○小○

臣工果有端方正如古大臣其人者。敕下部院大臣從公保舉。授以茲任。其考課也以民生之苦樂爲守令之賢否。以守令之貪廉爲督撫之優劣。則督撫得其人。監司自得其人。監司得其人。守令亦得其人。自然廉者勸。貪者懲。有利必興。有害必除。而民之不獲其所者寡矣。不此之計。日敝敝焉。言計吏言安民言舉劾言捐賑。終不過空文故套。美人聽聞。毫無補於吏治民生之實事。何則。任之非其人行之失其意。雖周官周禮祇足爲厲民禍世之具而已此。一、筆、束、仕、道、諸、事、已、完、以下另轉聖諭之所已及。而臣詳切言之者也。雖然。內臣者外臣之表也。京師者四方之倡也。本原之地在乎朝廷而已。朝

廷一舉一動。萬方之則效。九土之觀瞻。於是乎出。而其大者則在。立綱陳紀。用人行政之閒。今以○下○四○條○皆○言○朝○廷○之○失○朝廷之可議者。不止一端。臣請擇其至重且大者言之。一曰政事。極其分更。而國體因之日傷也。從來聖君賢相。開國承家。必取一代之典章法制。斟酌損益。著爲百世不易之令模。遠之子孫。率由近之。臣民遵守。無叢脞之虞。三代盛王。所以保世滋大。無疆惟休也。我國家所用章程。一踵勝朝之舊。雖其事極繁。而難行者。類無不承訛襲陋。苟且因仍。不聞畧加整頓。去其大甚。而急功喜事之輩。又從而意爲更變。於其閒。但知趨目前尺寸之利。以使其私。而就中莫大之憂。無窮之患。潛滋

暗○伏○不○知○所○以○爲○之○計○。朝○舉○夕○罷○。旋○罷○而○旋○舉○。甲○張○乙○弛○。倏○弛○而○倏○張○。王○言○屢○褻○。朝○政○滋○煩○。議○論○日○多○。成○功○絕○少○。此○時○事○之○最○當○講○究○者○也○。伏○乞○皇○上○敕○下○議○政○王○貝○勒○大○臣○九○卿○科○道○將○

國○家○制○度○文○爲○詳○慎○。會○議○何○者○當○沿○。何○者○當○革○。何○者○宜○益○。何○者○宜○損○。參○以○古○制○。酌○以○時○宜○。務○期○允○當○。勒○爲○會○典○。著○爲○成○憲○。則○上○有○道○揆○。下○有○法○守○。億○萬○年○無○疆○之○基○業○在○此○矣○。一○曰○職○業○。極○其○墮○廢○。而○士○氣○因○之○日○靡○也○。國○家○之○設○官○也○。滿○漢○相○制○。堂○屬○相○維○。使○事○無○偏○畸○。責○無○它○委○。近○見○各○衙○門○大○小○臣○工○。大○率○以○意○見○爲○嫌○疑○。爲○推○委○。明○知○其○事○之○必○不○可○行○。而○不○以○爲○否○。明○知○其○事○之○必○不○可○不○行○。

而不以爲是。緘默瞻顧。而姦人猾胥。因得以舞文弄法。偷換手眼。二○諱○爲○臣○途○枕○視○比年以來。此風尤甚。外托老成慎重之名。內懷持祿養交之念。憂憤者謂之疏狂。建白者目爲浮躁。廉靜者所爲矯激。端方者詆爲迂腐。閒有修身體道讀書窮理之士。則羣指爲道學之人。而誹笑之。排擯之。勢不至於禁錮其終身而不已。此識者所以爲深憂。永嘆而不能不爲世道感也。伏乞皇上立振頽風。作興士氣。申飭滿漢諸臣。虛衷酌理。實意任事。化情面爲肝膽。轉推委爲擔當。是曰是非。曰非可則可。否則否。漢官勿阿附滿官。堂官勿偏任司官。宰執盡心論思。勿以唯諾爲休容。臺諫極力糾繩。勿以鉗結爲

將順則職業修舉而官箴日肅士氣日奮矣。一曰學校極其廢弛而文教因之日衰也。宋儒程顥曰治天下以正風俗得賢才爲本。又曰三代養賢爲本而德化行焉。治道出焉明乎學校爲賢才之藪教化之基而學術事功之根柢也。今者庠序之教缺焉不講矣。師道不立經訓不明士子伏案呻吟惟是揣摩舉業以爲弋科名掇富貴之具絕不知讀書講學求聖賢理道之歸。卽號爲高名有志者又或汎濫於百家沈淪於二氏惑世誣民充塞仁義斯道之淪晦未有甚於此時者矣。伏乞皇上隆重師儒興起學校畿輔則責成學院各省則責成學道使之統率士子講明正學非六

經語孟之書不得讀。非濂。雒。關。閩。之傳不得講。扶持正教。削去從前浮薄偏曲之陋習。與空虛荒誕之邪說。而又舉行貢監之法。令於士子中。擇其志趣端卓英俊可造者。縣學一人。州學二人。郡學三人。貢之國。雖寬其館舍以居之。豐其廩餼以養之。廷臣中有老師宿儒如朱胡瑗元許衡其人者。特簡一二人。使司成均主教導。日進諸生而陶淑造就之。其道必本於人倫。達乎天德。其教自灑埽應對以致於義精仁熟。漸摩誘掖。循循有序。三載之後。學成才就。司成次其優劣等第。彙送吏部。量其才之大小。學之淺深。而授之秩。其公卿大夫之子弟亦如之。至於山林高蹈之士。有經明行

修德業完備者。仍請 敕下地方官。悉心咨訪。據實奏聞。優禮延聘。加意褒崇。以爲士習人心之勸。則道術以明。教化大行人。才日出矣。一曰風俗極其僭濫。而禮制因之日壞也。禮者聖王所以節性防淫。而維係人心者也。小民至無知也。其氣易勝。其情易流。勝者每至不可禦。流者常至不可遏。其不至於橫潰四出者。由有禮教持之於先。又有法制繩之於後也。臣觀今日風俗。其奢侈凌越。不可殫述。一裘而費中人之產。一宴而靡終歲之糧。輿隸被貴介之衣。倡優擬命婦之飾。習爲固然。爭相雄長。彼又安知 王章之不可渝。天敘之不可紊乎。夫禮教之不行。自貴近先之朝廷崇儉。

約重等威。誰敢有好侈靡。逾制度者。風行草偃。理有固然。夫奢則必貪。廉恥喪矣。奢則必僭。名分蕩矣。奢則必驕。奢則必競。禮讓衰。節文亂矣。嗚呼。此饑之木。寒之原也。盜賊獄訟。水旱災荒之所由起也。伏乞 皇上躬行節儉。爲天下先。明詔內外臣民。一以

儉約爲上。自王公以及士庶。凡宮室車馬衣服僕從一切器用之物。俱規定經制。限以成數。不許少有逾越。久之儉德日彰。貪風日息。民俗淳。人心厚。以幾淳龐之治。不難矣。雖然。猶非本計也。至於根本切要之地。端在我 皇上之一身矣。蓋 皇躬者。萬幾所受。裁萬化所從出也。孟子曰。天下之本在國。國之本在家。家之本

在身。董子曰：正心以正朝廷，正朝廷以正百官，正百官以正萬民，正萬民以正四方。二子之言，萬世之龜鑑也。聖如堯舜，可謂至矣。而諄諄於危微精一之戒，明雖生知之聖，亦藉學問之功也。我皇上神明天縱，睿哲性成，豈區區常情之所能窺。然生長深宮，春秋方富，誠宜選擇左右，輔養（中前經筵之說）聖躬，薰陶德性，伏乞慎選耆儒，碩德置之左右，優以保衡之任，隆以師傅之禮，不必勞以職事，拘以文貌，使之出入禁閣，時親便座，從容燕閒，講論道理，又妙選英俊，使之陪侍法從，朝夕獻納，切劘治體，毋徒事講幄之虛文，毋徒應經筵之故事，毋以寒暑有輟，毋以晨夕有閒。至於大學衍義，尤

爲切要下手之書。其中體用兼舉。本末貫通。法戒靡遺。洪纖畢具。誠千聖之心傳。百王之治統。而萬世君師天下者之律令格例也。

伏願 皇上延訪眞儒。深明厥旨者。講求研究。於是考之以六經之文。監之以歷代之迹。實體諸躬。默會之衷。以爲敷政出治之本。若夫左右近習。必端其選。綴衣虎賁。亦擇其人。壬人佞倖。不置於前。豔色姪聲。不御於側。非聖之書。擯而不讀。無益之事。戒而不爲。內而深宮燕閒之間。外而廣眾大廷之際。微而起居言動之恒。凡所以維持此身者。無不備。凡所以防閑此心者。無不周。君志清明。君身彊固。舉夫立政敷教。知人安民。無非天德之流行。天則之

昭著是。皇上直接夫二帝三王之心法。自有以措斯世於唐虞三代之盛。又何更治之不清。民生之不遂哉。易傳曰。正其本。萬事理。差之豪釐。謬以千里。此聖論之所未及。而臣推本言之者也。臣志學有年。粗知章句。凡所敷陳。率皆聞諸師友。考諸經傳。而非敢妄爲臆說。以自干罔上之誅。昔朱儒朱熹入對。有戒其勿以正心誠意之說進者。熹曰。生平所學。止此四字。臣之心亦如是而已。伏乞皇上諒其樸愚。恕其狂妄。俯賜包涵。畱神采擇。天下幸甚。疏入。輔臣鼂拜惡其侵已。請治公妄言罪。聖祖弗許。曰。彼自陳國家事。何預汝等邪。七年。遷秘書院侍讀學。

士復上言朝政積習未除國計隱憂可慮年來災異頻仍饑荒叠見正宵旰憂勤徹縣減膳之日講學勤政在今日最爲切要乞時御便殿接見羣臣講論政治設誠而致行之庶可轉咎徵爲休徵疏入。鰲拜傳旨詰問積習隱憂實事以所陳無據下部議降二級用。

聖祖原之八年鰲拜敗。

聖祖手書前事付廷臣令并案輔臣欺罔罪公再疏請舉經筵設起居注官會。

聖祖欲巡幸邊外公疏言水旱頻仍聖駕不宜輕出。詔罷前。

命並嘉其直。俾繼今以後。事有未當。其悉陳所見。朕不憚改焉。九年四月。擢國史院學士。名入內廷。命作楷書。大書敬天法祖。知入安民八字。以進。復承命講大學中庸首節。

聖祖首肯者數四。十月。改內三院爲內閣。設翰林院。以公爲掌院學士。兼禮部侍郎。遂以明年二月。肇舉經筵大典於保和殿。以公爲講官。知經筵事。頃之。

聖祖以春秋兩講爲期。濶疏。遂命公日進講。宏德殿。每詰旦進講。

聖祖有疑。必問。公上陳道德。下道民隱。引伸觸類。竭盡表裏。蓋公

○此○是○孝○慈○精○神○
○結○聚○處○其○後○見○山○徐○公○元○文○復○序○

自初應

詔上書卽力言

聖學爲第一要務其後屢以爲言會

○積○之○安○溪○李○公○光○地○復○行○釋○之○而○康○熙○朝○聖○道○昌○明○達○爲○三○代○

聖祖日益勤學既開經筵益盡心於堯舜叢孔之道暨周程張朱

○後○所○傳○有○云○矣○

五子之學咨諏討論達於政事仁浹而義炳其端緒自公發之及

公去位後

聖祖每論侍學諸臣未嘗不稱公之忠益也十年夏乞省母疾歸

尋還朝十一年命教習庶吉士十二年充會試副考官其年冬

公以疾假數日疾已入直時有詔徹三藩

聖祖舉以問之對曰國家方太平以無事爲福道在休養綏定之

此亦老成持重之見

而已今無故徙數十萬安居樂業之眾移置窮荒不毛之墟倉卒

逼○迫○勢○逐○刑○驅○未○有○不○生○懟○怨○眾○怒○不○可○激○一○夫○偁○亂○所○至○瓦○解○
前○事○如○此○可○勿○戒○與○

聖○祖○以○語○諸○大○臣○皆○言○吳○三○桂○僅○一○子○質○於○朝○可○勿○慮○其○它○又○安○
能○爲○未○幾○三○桂○反○明○年○耿○精○忠○反○十○四○年○春○授○公○武○英○殿○大○學○士○
兼○刑○部○尚○書○公○疏○辭○不○許○既○受○命○叅○畫○軍○機○及○諸○道○糧○餉○並○請○
嚴○飭○軍○行○所○過○不○得○蹂○踐○禾○稼○使○兵○不○病○民○民○不○失○業○時○方○纂○

太祖

太宗聖訓孝經衍義重修

太宗實錄公並充總裁官十五年陝西總督有開復疏防官員一

疏內閣誤票三法司核擬既檢舉大學士索額圖索初擬票稿不得謂公有改寫情弊請察議免歸家於金陵二十三年

聖祖南巡名對行在賞賚有加尋書經義齋三字題其居二十七年夏起禮部尙書冬丁母憂歸先是公因進見言西夷噶爾丹且有變宜爲備至二十九年邊人告警

聖祖念公言趣起前官三十年充經筵講官及武會試正考官明年春命往江南鞫河督王新命侵帑事論罪如律冬移吏部尙書會河督靳輔請豁近河公占民田額賦詔公會督撫察勘還奏免高郵山陽等州縣額賦三千七百二十八頃有奇三十三年

充會試正考官三十五年春

聖祖親征噶爾丹。公言內大臣費揚古可重任。

聖祖命爲撫遠大將軍。統西路兵前行。及戰大捷。噶爾丹尋走死。

三十六年復充會試正考官。三十八年拜東閣大學士。知經筵如

故。嘗進言海內久安。休養化導。正在此時。宜益崇學校。廣教化。豫

積貳。戒奢汰。則萬世太平之業也。每燕見。輒陳四方水旱。官方得

失。推古聖人所以憂民保治之意。竭慮無隱。

聖祖輒改容稱善。三十九年充會試正考官。四十二年復充會試

正考官。四十一年春。公年六十九乞休。詔解機務。畱京食奉。四

○此○與○清○時○之○要○際○年○秋○集○述○其○手○斯○

十五年疏辭食奉乞歸金陵陛辭

聖祖召入講論累日公因言巡幸所至官民供辦不無煩費唯上畱意

聖祖領之命馳驛歸官爲護送明年

聖祖視河工幸金陵賜御用冠服會纂朱子全書詔李文貞

與公移書往復商定公平生論學以默識爲眞修以篤行爲至教其居也恭其動也毅其事上也誠其與人也恕辭達而已不爲飾時措而已不爲矯以是由朱程之涂而上游孔孟其言曰聖賢之道不外乎庸庸乃所以爲神也所著書有學統學辨學規學餘經

義齋諸集四十八年十月卒於家年七十有五。命禮部遣司官二人視其喪。賜銀一千兩。祭葬如制。贈太子太保。謚文端。子三人。志伊。志契。志夔。志伊以疾廢。五十一年。

聖祖念公學行。召志契。志夔入京。以年稚不能應。詔六十年。二十一年十餘始入京。吏部引見。

聖祖命竦長錄用。且憫其家貧。諭諸大臣。飭公故舊門生。各助

金買屋。京城以居。餘交江南織造生息。歲廩其家。逾年。志夔卒。乾隆九年。授志契翰林院孔目。公之薨也。碑誌之文缺焉。紹升讀公書。恨未悉公行事。三十六年入京。與志契遇。得其家所書公事畧。

並考集中諸疏及論學書爲之狀。竢史官采錄焉。

孝感康熙初年所上之書實開一代太平之治其歸重

聖躬首在經筵勸講則其生平實允蹈之許仲平之在元不足道也其後三藩亂定海內乂安復言休養化導宜在斯時保泰洪模莫大于是有始有卒可謂一代之名臣矣

故光祿大夫文淵閣大學士李文貞公事狀

公諱光地字晉卿福建安谿人祖諱先春義俠聞鄉里父諱兆慶明諸生天秉忠孝以禮法教於其家順治十二年避難山砦中全家十二人被賊虜獨已得脫其兄曰燦自遠來忼慨詣賊乞釋此十二人賊義之具飲食慰遣然故弗釋也明年夏日燦募壯卒合家童百人夜緣山背上路峭險登者才二十八人吹螺劫賊帳會大大霧不辨眾寡賊大驚奔竄出其季弟弟子二人餘繫它山不能得賊徵其黨萬餘來日燦用百人守險日與戰自夏至秋大小百餘合賊散走盡十人者先後歸而公與其弟實殿公少好學爲

文守先輩法度。康熙三年試策論。舉於鄉。九年成進士。改庶吉士。授編修。十二年充會試同考官。尋乞假歸。十三年耿精忠反。海賊鄭錦亦入踞泉州。公奉親逃匿山谷間。錦與精忠並遣人招之。公以死固拒。十四年五月。密疏陳破賊機。宜言閩疆徧小糧稅稀薄。自二賊割據以來。誅求鞭朴。民力已盡。賊勢亦窮。南來大兵。宜以急攻爲主。不可假以歲月。恐生它變。方今耿逆悉力于仙霞杉關。鄭賊亦并命于漳潮之界。惟汀州小路與贛州接壤處。賊所置守。禦不過千百疲卒。竊聞大兵分道南來。皆于賊兵多處盡力鏖戰。而不知出奇以擣其虛。此計之失也。宜因賊防之疏。選精兵萬人。

或五六千人詐爲入廣之兵。由贛達汀。爲程七八日耳。二賊聞急。趨救。非月餘不至。則我軍入閩久矣。賊方悉兵外拒。內地空虛。大軍果從小路橫貫其腹。則三路之賊不戰自潰。伏乞密敕領兵官偵諜虛實。隨機進取。仍恐小路崎嶇。更使鄉兵在大軍之前。步兵又在馬兵之前。庶幾萬全。可以必勝。置疏蠟丸中。遣家僕夏澤間道出杉關赴京。因內閣學士富鴻基上之。奏入。

聖祖諭內閣諸臣。嘉公忠。下兵部錄其疏。令領兵王大臣知之。時廣東叛亂。大兵防守贛州南安。未能入閩。會康親王自衢州克仙霞關。復建寧。延平。精忠降。康親王駐師福州。令都統喇哈達賴。

塔等進勦海賊。並訪問公。十六年正月。喇哈達復泉州。知公離安
谿縣七十里。結寨而居。遣人往宣。上諭公就見喇哈達於漳州。
軍營。喇哈達白之康親王。王疏言。光地矢志爲國。顛沛不渝。宜
予褒揚。下部議敘。授侍讀學士。行至福州。丁父憂。歸。十七年閏
三月。同安賊蔡寅結眾萬餘。掠安谿。公募鄉兵百餘人。扼險拒守。
戒諸鄉毋資賊糧。賊餓解去。六月。鄭錦遣僞總統劉國軒等。陷海
澄。漳平。同安。惠安。諸縣。犯泉州。斷萬安江東二橋。南北援絕。泉人
恟懼。公遣善泗者。從水關入。令堅守。待援兵。時喇哈達駐漳州。公
遣使告急。值江水漲。道阻。乃導之由漳平安谿小路。公叔父日成。

率鄉兵百餘度石珠嶺關荆棘架木爲橋以濟公出迎十里外具糧饌牽牲牢以犒軍又使弟光垠光垠以鄉兵千度白鴿嶺迎巡撫吳興祚軍于永春大兵達泉州大破賊賊走入海喇哈達上其功再下部議敘遷翰林學士公上疏推功將帥辭新命不允十九年八月至京授內閣學士因面對言鄭錦已死子克塽幼弱部下爭權宜急取之又言內大臣施琅習海上形勢知兵可重任聖祖用公言卒平臺灣復具疏言原任編修陳夢雷雖陷賊中託病支吾受臣密約隱圖反正宜賞其從逆之舉已而法司坐夢雷斬詔從寬免死閏八月

足稱過

此卽近人所指賣友者然有此一疏亦

聖祖御乾清門

命公奏進家居所著文字公彙其讀書筆錄及

以上皆係武庫特載此敘以領起通篇

論學文字爲一卷敘而進之其言曰臣惟學之繫於天下大矣古之言學者自說命始。其所謂多聞學古時敏遜志與夫教學相長。始終克念皆後世聰明才智之士所不屑道。而彼以天縱之君帝。賚之佐。孳孳相勉。若不及。是以君則繼成湯嘉靖于殷國。臣則與。呵衡媲美於有商。學之切於治道如此。古今言學者莫不曰帝王之學與儒生異。臣以爲不然。夫溺于技藝。滯于章句。以華藻爲美。以涉獵相高。豈獨帝王哉。雖儒生非所尙也。若夫窮性命之原。研精微之歸。究六經之指。周當世之務。則豈特儒者所宜用心。帝王

之學何以加茲。蓋高宗所謂恭默以思者。性命之原。精微之歸也。其所謂學而有獲者。經訓之旨也。其所謂監而罔愆者。當世之務也。此古今言學之宗。亦古今爲學之準也。肆我

皇上天挺其姿。神授之識。生知乃復。好古將聖。而又多能。其潛思實體。朝誦夕誦。非堯舜之道。不陳于前。非天人性命之書。不游于意。臣竊謂我皇上非漢唐以後之學。唐虞三代之學也。臣窮

海末。儒蔽于聰明。局于聞見。四十無聞。沒身爲恥。今太陽之下。燭火益微。抱卷趨趨。隕越無地。然臣之學。則仰體皇上之學也。近不敢背于程朱。遠不敢違于孔孟。誦師說。守章句。佩服儒者。屏

乘異端則一卷之中或可以見區區之志焉臣又觀道之與治古
者出于一後世出于二孟子敘堯舜以來至于文王率五百年而
統一續此道與治之出于一者也自孔子後五百年而至建武建
武五百年而至貞觀貞觀五百年而至南渡夫東漢風俗一變至
道貞觀治效幾于成康然律以純王不能無愧孔子之生東遷朱
子之在南渡天蓋付以斯道而時不逢此道與治出于二者也自
朱子以來至我皇上又五百歲應王者之期躬聖賢之學天
其殆將復啟堯舜之運而道與治之統復合乎伏惟皇上承
天之命任斯道之統以升于大猷臣雖無知或者得依附末光而

間大道之要臣不勝拳拳二十一年乞假送母回里二十五年至
京補前官尋授翰林院掌院學士充日講起居注官兼經筵講官
二十六年命教習庶吉士復以母病乞歸省命縣缺以待二
十七年四月至京時直孝莊文皇后喪禮部劾公在涂遷延
弗及叩謁梓宮請下吏部議議降五級得旨勿問初公嘗奏
侍讀學士德格勒有學行善占易而德格勒亦稱公兼文武才宜
膺封疆重寄會天旱

聖祖命德格勒探著因而論大學士明珠過失明珠聞而大惡之
尋有言德格勒與其同官誹議朝政

聖祖召試諸廷臣。德格勒以文劣削五級。畱任尋又以私抹起居注爲掌院學士。庫呼納所劾下刑部論。舉有旨以前奏詰公。公引舉乞處分。

聖祖原之。九月充武會試正考官。二十八年五月改通政使。十二月擢兵部右侍郎。三十年二月充會試副考官。九月偕侍郎傅霽、徐廷璽原任河道總督靳輔往江南視河工。明年正月繪圖還奏。三十三年正月提督順天學政。四月聞母喪有旨令在任守制。公請給假九月回籍治喪。不允。給事中彭鵬劾公忘親貪位。請令解任。俾在京守制。下九卿議如鵬請。三十五年服闋仍督順天學

政三十六年遷工部左侍郎督學如故三十七年十月授直隸巡撫公在官以清勤自厲卹民之隱尤盡心於農田水利二十八年二月詔以漳水與滹沱合易汎濫其導漳河由運達海以分滹沱之勢公疏言漳河見分爲三一支自大名經魏元城至山東館陶入衛歸運一支名老漳河自山東邱縣經南宮及青縣與完固口合至鮑家嘴歸運一支名小漳河自邱縣經廣宗鉅鹿合于滏又經東鹿冀州合於滹沱由衡水至完固口復分爲兩支小支與老漳河合流而歸運大支經河間大城靜海入子牙河而歸淀今入衛之河與老漳河流淺而弱應量加疏濬其完固小支應築隄

通水入河以達之運更於靜海閘閘二莊挑水築隄東水歸淀俾無汎濫報可次弟訖工因奏霸州永清宛平良鄉固安高陽獻濟新河占民田一百三十九頃請豁其賦額從之三十九年

聖祖以子牙河屢汎濫自河閒以北靜海以南皆被害遂親臨相視發帑金命公於獻河東西兩岸築長隄西接大城東接青靜海亘二百餘里又於廣福樓之焦家口開新河引水入淀由是下流益暢無水災其年七月公以隄工既成請開諸州縣水田引漳滏滹沱大陸諸水資灌溉薦管河同知許天馥爲河閒知府司其役從之畿屬故有八旂牧地與民田相錯歲久民多占牧爲田

方奉部牒按驗。公令民自首者。按則輸糧而免其隱漏。旱其棄地。願耕者聽民便之。明年修永定河工。自郭家務至柳空口。開河築隄。四十一年八月。飭所屬州縣。廣興水利。近山者導泉通溝。近河者引流醞渠。去水遠者鑿井溉田。其水道應修濬者。俱聽借帑興工。四十二年四月下。詔褒美。擢吏部尙書。巡撫加故。是年冬。以畿輔被水。請發倉賑貸。命富人出粟平糶。明年三月。給事中黃鼎楫。湯右曾。許志進。朱駿業。王原等。合疏劾公。撫綏無術。致河間饑民散入京城。又以寧津縣被災甚重。而去年竟不報災。請嚴加處分。疏下。公回奏。公言。該縣知縣陳大經。報災不時。業經劾罷。至民

有流離臣不敢辭咎再疏乞從重處分 詔並原之四十四年

二月授文淵閣大學士 召還時

聖祖臨御久日潛心六藝之文河圖象數之學下逮濂雒關閩書
聖學之至此益以深矣五十年間知之之純乎合乎
旁及厯算聲音之道反覆研索由原達流公故篤信程朱因以上
窺羲文之祕所奏進文字發舒心得

聖祖未嘗不稱善凡 御定諸書多委公叅訂中有淆躋往復陳

請不倦故最後

聖祖詔廷臣言知光地者莫若朕知朕者亦莫若光地矣烏呼豈
不榮哉然公自初在朝卽申立畏遠權勢其後位益高忌者益眾

凡公所稱薦。多見排擠。因以撼公公。恐啟門戶之禍。益慎重寡言。其有獻納。罕見於章奏。獨與公共事。內廷者。時能道之。

聖祖嘗召編修沈宗敬至。命作行楷書。因傳諭公曰。朕初學書。宗敬之父荃。實侍每下筆。卽指其失。兼析所由。至今每作書。未嘗不思荃之勤也。公對曰。此成湯改過不吝之心也。苟自是而惡直言。則無由自鏡矣。進對時。

聖祖問近日民情若何。公言方三藩播亂。民心搖搖。未知所歸。今上恩德信於天下矣。往歲閩中旱荒。羣吏不能宣上德所在。發帑粟多。乾沒民饑。且死。獨歸怨於有司耳。時有請開礦者。大豪

多輦金京師謀首事

聖祖以問公公對言開礦以食饑民無不可請著令許土著貧民人持一銚以往而越境者誅則姦人不致屯聚山澤以釀亂議遂定公於當世人材賢不肖往往直言無隱江寧知府陳鵬年爲總督阿山所劾問重辟公言其冤鵬年遂名入兩江總督噶禮與巡撫張伯行互糾遣大臣往訊獄久不決而詔罷噶禮復伯行官公有助焉桐城貢士方苞坐戴名世南山集論死聖祖一日言汪穉死無能古文者公曰唯戴名世案內方苞能已而苞得釋名入南書房公之護惜善類故迪聖聰多此類也

四十八年充會試正考官。五十年以疾乞休，辭甚切。報曰：覽卿奏，朕心慘然。想當時舊臣如卿等者，不過一二人。今朕亦老矣，實不忍言也。五十四年六月，再疏乞休，且以母喪未葬爲言。詔許假二年。賜詩寵其行。明年三月，詔促公以是冬赴京，且云南方暑濕，善自保。荔枝性極熱，毋多喫也。五十六年四月至京。明年正月，內閣議上。孝惠章皇后諡疏中有闕字，部議降三級。詔勿問。先後三具摺，以老病乞休。聖祖以大學士王揆在告，俟其還，具疏請。五月卒於官，年七十有七。駕在熱河，下詔憫悼，遣恒親王率內大臣侍衛奠茶酒。

賜銀一千兩令工部尙書徐元夢護其喪。予祭葬諡曰文貞。雍正元年贈太子太傅公平生釋經之書甚具其言曰。茂訓詁者無師滯章句者無得故學。莫先於能擇矣。其於程朱之說時有同異。論大學宜還古本。而以知本爲格物第一義。易兼總象數。禮兼采大戴記。論于雲仲淹書有格言節取焉。可也。康節象山所造高明。慎師焉。可也。知言者以爲然。公門下士楊名時陳鵬年冉覲祖蔡世遠並以德望重於時。它如張昺張瑗惠士奇秦道然王蘭生何焯莊亨陽之徒。類有清節通經能文章故。本朝諸名公稱善育材者必以公爲首焉。

首爲其贊助蕩平之功次詳其農田水利之政後敘其纂修書
籍保全正人而中間特載其進文序一篇以明 君臣道合千
載一時尤爲嚴重然迄今閱百餘年竟無爲之奏請從祀者可
嘆也

。故光祿大夫吏部尚書協辦大學士孫文定公事狀

公諱嘉淦字錫公太原興縣臨河里人曾祖諱守意祖諱世蓋以貢生知江西崇仁縣設方畧平劇盜境賴以安父諱天繡三世皆贈光祿大夫刑部尚書公兄弟四人伯兄賴淦爲同縣趙氏子殺既論抵繫獄矣此、事、陳、傳、未、載、賁緣且脫學公父憤欲死公夜入獄刃趙氏子脫身逃與其仲兄鴻淦一晝夜行三百餘里至會城門啟而入遭貨此、事、陳、傳、未、載、甌甌者仆焉盡毀其器相與訟於縣額繫待決已而與縣人相傳孫家兄弟殺人逮捕至陽曲令解之曰安有越一宿而能殺人三百里外者乎卒以疑得釋時公年十八矣家貧日樵采夜歸讀書

尋舉鄉試。康熙五十二年成進士。授翰林院檢討。游於朱文端、張清恪兩公門。得與聞正學。由是覃思遺經。紉繹聖緒。充然沛然。達於上下。以仁義爲本。聞母原夫人病。乞歸尋丁母憂。服闋還官。世宗卽位。命臣工得上封事。公上三奏。曰：親骨肉曰停捐納。曰罷西兵。

世宗召諸大臣示之。責掌院學士曰：汝翰林乃容此狂士。學士叩頭謝。朱文端公在旁。徐對曰：此生誠狂。然臣服其膽。

此與李、文貞、韓、魏、陳、周、年、同。○

世宗良久大笑曰：朕亦不能不服其膽。卽召對。授國子監司業。雍正二年充江西鄉試主考官。三年提督安徽學政。遷祭酒。仍留安。

徽年餘調順天學政奏革一切供應。賜養廉歲四千兩。并賜京城官房七十餘間爲試院。歲滿莅祭酒任公先爲司業時上言學校之教宜以經術爲先。請令天下學臣選拔諸生貢太學。九卿舉經明行修者任助教。一以經術造之。三年考其成。舉以待用。時方急西事未行也。至是復申前請。並請廣學舍。增諸生餼廩。世宗從之。令戶部歲給六十緡。置房屋三百餘間。別爲南學。公嚴立課程。五日一會講。一時人材稱盛焉。六年權順天府尹。丁父憂歸。賜銀千兩。公歸營葬畢。以所賜金建宗祠。置祭田。服未闋。以順天府尹召。晉工部侍郎。八年充會試總裁官。十年轉刑部侍郎。

郎攝吏部侍郎及府尹祭酒如故引見國子監教習官不稱
旨公持之力逮下獄已而放出令銀庫行走出權河東鹽政上卽
位名爲吏部右侍郎遷左都御史上三習一弊疏畧言治亂循環
如陰陽之運坤陰極而陽生乾陽極而陰始故時當極盛必有陰
伏之幾其幾藏於至微人不能覺及其既著遂積重而不可反此
其間有三習焉不可不慎戒也主德清明人心說服出一言盈廷
稱聖發一令四海歸仁在臣民本非獻諛然而人君之耳則熟於
此矣耳與譽化匪譽則逆是謂耳習於所聞則喜諛而惡直上愈
智則下愈愚上愈威則下愈畏一唱百諾所在而皆然免冠叩頭

應聲而卽是在臣工以爲盡禮然而人君之目則熟於此矣目與媚化匪媚則觸是爲目習於所見則喜柔而惡剛敬求天下之士見之多而以爲無奇也則高己而卑人慎辨天下之務閱之久而以爲無難也則雄才而易事質之人不聞其所短反之己不見其所失於是乎意之所欲信以爲不踰令之所發槩期於必行矣是謂心習於所是則喜從而惡違三習既成乃生一弊何爲一弊喜小人而厭君子是也語言奏對君子訥小人佞佞則與耳習投矣奔走周旋君子拙小人巧巧則與目習投矣趨事赴功君子一意孤行而小人多方迎合如是則與心習又投矣于是乎小人不約

而自合君子不逐而自離。夫至於小人合君子離其患何可勝道。而其由皆三習爲之蔽焉。治亂之機可立決也。今欲預除三習永杜一弊。不在乎外。唯在乎。

皇○上○之○心○語○曰○人○非○聖○人○孰○能○無○過○此○淺○言○也○夫○聖○人○豈○無○過○哉○唯○聖○人○而○後○能○知○過○唯○聖○人○而○後○能○改○過○孔○子○謂○五○十○學○易○可○無○大○過○文○王○望○道○而○未○之○見○是○故○賢○人○之○過○賢○人○知○之○庸○人○不○知○也○

聖○人○之○過○聖○人○知○之○賢○人○不○知○也○唯○爲○人○所○不○知○故○願

皇○上○之○聖○心○自○慄○之○也○反○之○已○真○知○其○不○足○驗○之○世○實○見○其○未○能○故○常○欲○然○不○敢○以○自○是○此○不○敢○自○是○之○意○流○貫○於○用○人○行○政○之○閒○

耳。目。之。習。除。取。舍。之。極。定。夫。而。後。眾。正。盈。朝。太。平。可。觀。矣。奏。入。
上。嘉。納。宣。示。焉。乾。隆。元。年。充。江。南。鄉。試。主。考。官。尋。遷。刑。部。尚。書。時。
上。方。加。意。大。學。入。監。肄。業。者。至。數。千。人。乃。以。二。年。三。月。詔。公。
總。理。監。事。公。奏。仿。胡。安。定。遺。法。經。義。治。事。分。條。敎。授。於。是。人。知。實。
學。興。起。者。眾。矣。三。年。轉。吏。部。尚。書。充。順。天。鄉。試。主。考。官。冬。十。月。出。
為。直。隸。總。督。是。歲。直。隸。被。水。奏。撥。山。東。穀。三十。萬。石。由。海。運。達。畿。
內。以。濟。饑。民。自。保。定。以。東。地。卑。下。遇。夏。雨。漚。水。成。澤。水。落。魚。子。化。
螭。故。災。無。虛。歲。公。念。言。弭。災。之。本。其。必。潛。水。使。通。乎。乃。擇。吏。分。行。
穿。治。使。田。水。通。溝。溝。水。通。道。道。水。通。河。河。水。通。淀。共。開。五。百。八。十。

餘渠申捕蝗之令。由是終公任歲。以不饑。以畿地多曠。奏給畿人屯田官。與房舍牛穀。嘗巡邊。見開平地平衍。可駐數萬家。具規畫。請聽旂人田之議者。以其地苦寒。未之行也。時方嚴酒禁。罹法者眾。公言。以日用飲食之故。使天下騷然。非政體。上卽令弛其禁。六年。調湖廣總督。時江蘇布政使安某。奏言。各省賑荒。不免過濫。國帑宜節。民情易驕。當有以裁抑之。敕內閣以所奏鈔示直省。大吏七年四月。公上言。往時督撫率多諱災。苟圖省費。屢蒙皇上諭誡。乃始幡然一變其習。其間辦理或不無過厚。然所以繫民心。培國本。實在於此。今安某乃畧其大而言其細。臣恐自茲以

往督撫之辦災與賑。又將改弦易轍而流弊無終窮矣。

皇上

仁心爲質。愛民如子。繼孔孟之心而行堯舜之政。天下喁喁謳思。至治乃內外臣工不思贊襄聖德。羣倡爲經費不足之說。使皇上愛人之心。與節用之念相持而未決。萬一爲眾口所咻。節財之念勝而行仁之意不堅。則萬善由此而墮。百弊由此而生。又不止災民不被其澤已也。節用之道。當擇其事較輕而可緩者省之。非所施於災賑。民驕之故。由有司政教不明。此在平時整飭之耳。一遇災荒。正小民號呼赴愬之時。乃惡其驕而欲畜其賑。則不揣其本矣。治國猶治家然。急於致富。乃至饑寒其子弟而不顧。惡赤

子之嘯號反畜其乳哺曰吾以治驕無是理也此義利之界安危之幾唯

皇上勿以爲迂而加垂察焉

上優旨答之前巡撫

馮光裕開橫嶺三洞議者以路險遠欲棄之公親自履勘越嶺數十重豁然開平彌望皆沃野公度若不守且爲盜窟乃奏設武官兵數千人守之湖南巡撫許容劾驛鹽道謝濟世上以御史言命使往讞得其誣枉狀以公庇容削官九年冬起爲宗人府丞明年遷左都御史其冬閱秋審冊閩人蔣太齡與其族屬阮死族人爲竊者巡撫以謀殺讞太齡論殺其它斬絞流杖有差公奏言舊例載同族中有凶悍不法偷竊姦宄之人合族公憤以家法致

死者將爲首者。照應得梟減一等。免其抵擬。今新例不載此條。無
可引用。乃照謀殺定擬。夫謀殺者。必夙有私怨。深仇。兼以陰謀詭
計。所殺者。又係平人。乃用謀殺科斷。今合族同憤。致死族匪。是乃
義忿。非私仇也。是乃公議。非陰謀也。所殺者。又係有梟。非平人也。
以命案之極情輕者。而引一極重之律。以科之比擬。失平矣。且舉
合族之尊卑長幼。駢首接踵。以償一積匪之命。揆之情理。實有未
協。此等案件。不時多有仰懇。聖恩。或仍存舊有之例。或預定
比擬之律。或別設族匪之條。使將來斷獄有所遵守。則刑法平。而
民命不致胥戕矣。疏。下大學士三法司議。以舊例已刪。不宜改增。

以長擅殺之漸寢其奏十二年京察自陳乞休許之既歸結茅於
城東石炭山掩關習靜將終老焉十四年冬復以副都御史召直
上書房十五年遷兵部侍郎晉工部尚書攝翰林學院學士明年
充會試總裁官十七年充順天鄉試主考官九月以吏部尚書協
辦大學士充經筵講官明年春自以年老請免所居官專直上書
房不許其年充順天鄉試主考官初公在翰林著春秋義一書板
行於世久之瞿然悔曰吾學無真得奈何妄測聖經遂并所著詩
刪南華通一切毀之時默坐激思以漸自信嘗曰朱陸異同何其
紛紛也聖人之道克已而已矣當動念時追已從生究已終極卽

此○便○是○窮○理○已○克○則○禮○自○復○何○知○行○之○不○合○乎○又○以○聖○人○之○道○在○
六○經○贊○皇○極○正○人○心○皆○由○於○此○晚○歲○直○經○筵○因○欲○發○明○易○詩○春○秋○
要○領○成○書○侯○上○裁○定○上○許○令○日○進○講○義○一○篇○於○是○先○成○詩○義○
折○中○次○及○易○傳○彖○交○甫○畢○而○公○遂○病○上○命○皇○子○臨○視○中○使○侍○醫○
相○望○於○道○以○十○八○年○十○二○月○六○日○薨○年○七○十○有○一○上○聞○軫○悼○遣○
使○奠○茶○酒○賜○金○一○千○兩○治○喪○事○諡○曰○文○定○公○以○副○都○御○史○名○之○
明○年○有○姦○人○僞○爲○公○奏○稿○傳○播○遠○近○事○發○株○連○甚○衆○公○內○不○自○安○
益○自○反○恐○生○平○好○名○之○累○未○盡○有○以○致○然○故○晚○節○益○務○斂○密○其○朝○
夕○獻○替○莫○得○而○聞○焉○公○平○生○事○父○至○孝○父○性○嚴○急○公○旣○入○仕○往○往○

受。扑。楚。而。孺。慕。彌。篤。家。居。不。事。生。產。有。餘。卽。與。兄。弟。共。之。旣。貴。徒。步。出。入。以。儉。德。爲。鄉。里。先。喜。聞。諍。言。不。擇。童。豎。閒。有。拂。逆。處。之。泰。然。敬。慎。和。平。以。終。其。身。子。三。人。孝。懿。孝。愉。孝。則。孝。愉。官。至。直。隸。按。察。使。紹。升。自。童。時。卽。知。敬。慕。公。比。長。從。鄉。先。生。陳。君。和。叔。訪。當。世。名。公。卿。遺。事。陳。公。嘗。爲。公。主。奏。草。相。得。甚。歡。爲。道。公。本。末。頗。具。已。而。盧。先。生。紹。弓。自。大。原。南。歸。出。公。家。述。及。所。爲。公。傳。益。詳。嚴。因。剛。取。其。要。合。以。先。後。所。錄。公。疏。及。所。聞。於。陳。君。者。比。而。書。之。近。世。言。直。節。者。必。以。公。稱。首。及。攷。其。言。論。施。設。翌。翌。然。古。儒。也。其。真。知。治。體。者。與。有。經。世。志。者。可。以。取。鑑。焉。

熊孝感應詔所上之書開一代太平之治文定公三習一弊疏
爲六十年君德之樞此我朝兩大文章雖程朱等無以過者
也紫竹山房集有此傳文亦不率乃不載此疏與下二疏知其
淵畧者多矣